

21



88

Broj: 0101-98/19
Sarajevo, 08.01.2019.

SKUPŠTINA KANTONA SARAJEVO
n/r Predsjedavajućeg Skupštine

Predmet: Zastupničko pitanje gđe Jasne Duraković u vezi sa provođenjem projekta screening pregleda studenata Univerziteta u Sarajevu, odgovor – dostavlja se,

Poštovani,

Budući da Univerzitet u Sarajevu podržava projekat provođenja screening pregleda studenata na fakultetima/akademijama koje provodi Zavod za zdravstvenu zaštitu studenata u Sarajevu, obavještavamo vas da su 09.04. 2018. Rektor i njegov tim održali sastanak sa dr. Žanom Pozderac i njenim timom na kojem su predstavnici Zavoda predstavili projekat, kao i moguću dinamiku provedbe.

Potom je održan radno-konsultativni sastanak sa prodekanima za nastavu na kojem je predstavljen projekat screeninga, te postignut dogovor o podršci provedbi, a 19.04.2018. Zavod za zaštitu studenata dostavio je plan provođenja pregleda.

Provedene su aktivnosti u studentskim domovima Bjelave i Nedžarići, kao i pilot projekat na Fakultetu političkih nauka. Obavljeni su kontrolni pregledi vizusa, palpacija dojki, ankete psihologa, otvaranje socijalnih kartica, kontrolna spirometrija i kontrolni pregled ŠUK-a. Dana 24.04.2018. Univerzitet u Sarajevu uputio je svim organizacionim jedinicama informaciju o provođenju projekta screening pregleda studenata.

Do sada su obavljani pregledi na sljedećim fakultetima: Stomatološkom, Veterinarskom, Pravnom i Katoličkom bogoslovnom. Aktivnosti u tom pravcu se nastavljaju, te projekat još nije okončan.

S poštovanjem,

Prof.dr. Rifat Škrijelj
REKTOR



- U ...
- plan provođenja screening pregleda studenata Univerziteta u Sarajevu
- informacija o provođenju projekta screening pregleda studenata Univerziteta u Sarajevu



Broj: 0101-2041/18
Sarajevo, 24.04.2018. godine

UNIVERZITET U SARAJEVU
FAKULTETIMA/AKADEMIJAMA UNIVERZITETA U SARAJEVU
N/r: prodekana za nastavu

Predmet: informacija o provođenju projekta screening pregleda studenata Univerziteta u Sarajevu, dostavlja se

Poštovane/i,

Univerzitet u Sarajevu svesrdno podržava projekat provođenja screening pregleda studenata na fakultetima/akademijama Univerziteta u Sarajevu a koje provodi Zavod za zdravstvenu zaštitu studenata Univerziteta u Sarajevu.


Na obostrano zadovoljstvo, u proteklom periodu provedene su aktivnosti u studentskim domovima Bjelave i Nedžarići, kao i pilot projekat na Fakultetu političkih nauka, gdje su obavljani kontrolni pregledi vizusa, palpacija dojki, ankete psihologa, otvaranje socijalnih kartica, kontrolna spirometrija i kontrolni pregled ŠUK-a. S tim u vezi, pozivamo sve fakultete/akademije Univerziteta u Sarajevu da se odazovu pozivu Zavoda za zdravstvenu zaštitu studenata Univerziteta u Sarajevu, te omoguće besplatan screening studentima koji bi se obavio na fakultetima/akademijama prema rasporedu dogovorenom sa Zavodom.

Ovim projektom želimo da podstaknemo mlade da teme vezane za zdravlje budu dio njihove svakodnevne komunikacije. Omogućavajući našim studentima screening preglede povećavamo svijest o ranom otkrivanju, sprečavanju i liječenju bolesti.

S poštovanjem,

PR[REDAKCIJA] NASTAVU I STUDENTSKA PITANJA

Prof. dr. Aida Hodžić



Prilog:

- Plan provođenja screening pregleda studenata Univerziteta u Sarajevu



**JAVNA USTANOVA KANTONA SARAJEVO
ZAVOD ZA ZDRAVSTVENU ZAŠTITU STUDENATA
UNIVERZITETA U SARAJEVU**

Patriotske lijeke Lr.36, Tel./fax: 25 18 71, cent. 20 17 75
E-mail: zdravljestudenata@gmail.com; http://www.zdravljestudenata.ba
ID: 420098290005; PDV: 200098290005

Broj: 03-01--343 /2018
Sarajevo, 19.04.2018. godine

UNIVERZITET U SARAJEVU

Ul. Obala Kulina bana br.7
Sarajevo

N/i: Prorektor za nastavu Prof.dr. Aida Hodžić

Predmet: Plan provođenja skrining pregleda studenata Univerziteta u Sarajevu

Poštovana,

Skrining pregledi podrazumijevaju preventivne preglede kojima se ispituje populacija na izgled zdravih ljudi kako bi se pronašle one osobe koje pokazuju rane znakove neke bolesti ili predispoziciju nekog oboljenja.

Obavljanje ovih pregleda kod studentske populacije kao vulnerabilne grupe stanovništva je od izuzetnog značaja.

U periodu reorganizacije zdravstva Zavod za zdravstvenu zaštitu studenata je nakon inicijative ministricе zdravstva Kantona Sarajevo g-đe Zilhe Ademaj intenzivirao svoje aktivnosti vezane za preventivne preglede studenata.

Aktivnosti su provedene u studentskim domovima na Bjelavama i u Nedžarićima, kao i pilot projekat na Fakultetu političkih nauka.

U studentskim domovima rađeni su kontrolni pregledi vizusa, palpacija dojki, opšti pregled (ambulantno), ankete psihologa, otvaranje socijalnih kartica, kontrolna spirometrija (pridružili smo se obilježavanju svjetskog dana borbe protiv HOB), kontrolni pregled ŠUK-a (obilježili smo svjetski dan borbe protiv dijabetesa).

Preventivni pregledi na fakultetima su drugačije koncipirani u odnosu na preglede u studentskom domu u Nedžarićima gdje smo radili u našoj ambulanti.

Prje dolaska naših timova koji će obavljati skrining preglede na fakultetima će biti istaknute obavijesti sa datumom obavljanja pregleda i aktivnostima koje će se toga dana provesti.

Na fakultetima su planirane sljedeće aktivnosti:

1. Predavanje ljekara specijalista i opšte prakse iz određene oblasti

2. Anketiranje pacijenata

Anketni listići su iz određenih oblasti, sa potpisom pacijenta da je saglasan za obavljanje ankete.

Zavod za zdravstvenu zaštitu studenata se obavezuje na čuvanje podataka, strogu diskreciju i ne upotrebljavanje podataka u bilo koje druge svrhe.

Anketiranjem pacijenata i razgovorom sa njima dobili bi uvid u njihovo zdravstveno stanje bilo da se radi o oftalmološkim, ginekološkim, internističkim, dermatološkim, psihološkim, socijalnim problemima.

Uz podjelu propagandnog materijala o Zavodu i svim službama studente upoznajemo sa svim službama i uslugama koje mogu dobiti u našoj ustanovi.

3. U okviru skrining pregleda planirali smo odraditi i kontrolni nalaz spirometrije.

Kontrolna spirometrija koju smo uradili u domu u Nedžarićima je kod većeg broja studenata pokazala odstupanja od urednog nalaza (alergije, konzumiranje cigareta, nergile itd.) odlučili smo uraditi i u okviru skrining pregleda na fakultetima.

Planirana je i kontrola krvnog pritiska.

Rezultati urađenih skrining pregleda:

Najveći broj pacijenata u izvještaju ljekara opšte prakse je bio iz grupe oboljenja krvi i krvotvornih organa, bolesti oka i adneksa, bolesti digestivnog trakta, bolesti urogenitalnog trakta, kože, lokomotornog sistema.

Iz navedenih grupa bolesti najzastupljenije su dijagnoze su:

- malokrvnost (siderpenične anemije)*
- kardiovaskularna oboljenja*
- smetnje vida i infekcije oka*
- reakcije na stres i poremećaj prilagođavanja*
- akutna upala ždrijela, sinusa i krajnika*
- akne*
- glavobolja*
- poremećaj menstrualnog ciklusa, pojačanja krvarenja, savjeti o kontracepciji*
- iščašenje, uganuće i istegnuće zglobova.*

24 – Holter monitoring srca i krvnog pritiska, doprinio je bržoj i efikasnijoj opservaciji kardiovaskularnih oboljenja, koja su vodeća patologija u Internističkom kabinetu našeg Zavoda. Od najčešćih dijagnoza kod studentske populacije vezanih za kardiovaskularna oboljenja su: poremećaji srčanog ritma (tahikardija, bradikardija, srčane aritmije), blok desne grane, sindrom sportskog srca, hipertenzija, urođene srčane mane (prolaps mitralne valvule, aorta bikupsida, insuficijencija mitralne valvule prvog, drugog stepena i drugo). U opservaciji kardiovaskularne patologije, a imajući u vidu dijagnostičke protokole prema AKAZ-u, je pored postojeće dijagnostike, neophodno uvođenje ergometrijskog testa srca i ultrazvuka srca.

Pored kardiovaskularnih oboljenja u radu Internističkog kabineta, od endokrinoloških oboljenja, su učestala oboljenja štitne žlijezde (hiper i hipotireoza), poremećaj metabolizma masti i šećera (hiperholesterinemije, diabetes melitus). Također smo uočili i porast sistemskih oboljenja (reumatoidni artritis, lupuseritrematodes i dr.).

Oko 30% studenata (uzorak 500) imaju restrikciju zbog konzumiranja cigareta, alergijskih bolesti, problema sa sinusima što potkrepljuje činjenicu o učestalosti respiratornih bolesti u studentskoj populaciji.

Oftalmološkim pregledom je uočena tendencija rasta refrakcionih anomalija naročito miopije i miopskog astigmatizma. Česte su infekcije prednjeg segmenta oka (alergijski konjuktivitis, keratokonjuktivitis, sidrom kompjuterskog oka itd.).

Ginekološki problemi su uglavnom vezani za bolne i neredovne menstruacije, pojačan vaginalni sekret, neupućenost ili površno znanje o zaštiti od neželjenje trudnoće.

Studentima je podijeljen određen broj prezervativa koje je Zavod dobio na poklon od Asocijacije XY.

U analizi tima za mentalno zdravlje (ljekar neuropsihijatar, socijalna radnika i psiholog), uočeni su problemi sa osjećajem straha, tjeskobe, panike. Grupa zainteresovanih studenata prošla je psihološku procjenu (procjena ličnosti i intelektualnih sposobnosti) metodom grupnog testiranja.

Središnji problemi studentske populacije su proces formiranja identiteta i razvoj društvenih i moralnih normi u ponašanju.

Smatramo da su skrining pregledi studenata opravdani prvenstveno zbog prevencije i liječenja mnogih bolesti.

Otvaranjem kartona u našoj ustanovi ili prenošenje iz drugih studentima se na jednom mjestu pružaju usluge iz opšte medicine, specijalističkih oblasti, kao i iz stomatologije.

Prilikom obavljanja skrining pregleda studenti bi trebali imati ovjerene zdravstvene knjižice.

Takođe će im biti ponuđeni obrasci ZZO kojim se mogu izjasniti da li žele prenjeti zdravstveni karton u našu ustanovu i u Zavodu nastaviti liječenje.

Po završetku skrining pregleda fakulteti će dobiti uopšteni izvještaj (bez podataka).

Nadamo se da ćemo imati Vašu podršku i razumjevanju jer preventivni pregledi (naročito studentske populacije) i aktivnost su važni u ranom otkrivanju, sprečavanju i liječenju bolesti.

Uz najdublje poštovanje.

Dostaviti:
-naslovu
-a/a

